

# Regional plan for kompetanse og arbeidskraft

## Høring av planforslag

Planforslag til regional plan for kompetanse og arbeidskraft er no på høring, jamfør vedtak i fylkesutvalet 4. mai 2017. Vi inviterer kommunar, statlege etatar, utdanningsinstitusjonar, organisasjonar og andre interesserte til å komme med innspel til kompetansepolitikk i Hordaland. Høringa er open for alle. Høyringsfrist er 19. juni med tanke på endeleg politisk handsaming oktober 2017.

### Innhald:

Regional plan for kompetanse og arbeidskraft skal være eit verktøy for å setje retning og samordne arbeidet med kompetanseutvikling i Hordaland. Hordaland står ovanfor store endringar i samfunns- og arbeidsliv på lik line med andre regionar både i Noreg og elles i verda. Dei store endringsdrivarane som globalisering, eldrebølgja, det grønne skifte og automatisering og robotisering vil setje nye krav til kompetanse. Regional plan for kompetanse og arbeidskraft skal ruste Hordalandssamfunnet til å møte desse endringane. Nasjonale myndigheiter ønskjer å styrke regionalt folkevald nivå sitt kompetansepolitiske ansvar og samordningsrolle. Det betyr at Hordaland fylkeskommune må ta ei koordinerande rolle i dette arbeidet framover.

Planarbeidet har vore organisert med ei styringsgruppe som har vore politisk leia, arbeidsgruppe og temagrupper. Arbeidet starta formelt i fylkesutvalet i oktober 2015. Arbeidet har vore leia administrativt av Regionalavdelinga i samarbeid med Opplæringsavdelinga.

Det er foreslått følgjande mål:

#### *Overordna mål*

Betre balanse mellom tilbod og etterspurnad etter kompetanse og arbeidskraft i Hordaland gjennom eit forpliktande samarbeid mellom næringslivet, offentleg sektor og utdanningsaktørane

#### *Hovudmål*

1. Arbeidslivet i Hordaland skal ha naudsynt kompetanse for å kunne møte framtidige omstillingsbehov
2. Arbeidslivet i Hordaland skal ha tilgang til tilstrekkeleg og relevant arbeidskraft for å kunne oppretthalde drifta og ekspandere etter behov
3. Innbyggjarane i Hordaland skal ha tilstrekkeleg tilgang til profesjonell, offentleg og gratis karriererettleiing, med vekt på karrierelæring, i den livsfasen dei er i.

### Praktisk informasjon:

På våre heimesider er det oppretta ei eigen høyringside <http://www.hordaland.no/nn-NO/politikk/du-kan-paverke/hoyring-for-regional-plan-for-kompetanse-og-arbeidskraft/> med informasjon

om planutkastet og dei ulike måtane ein kan sende høyringsinnspel på. Vi ber høyringspartane å sende innspel elektronisk på [hfk@hfk.no](mailto:hfk@hfk.no) og merke med: 2014/17126